

Gvangjsih Minzcuz Bau

ganhhau: CN45-0036 B.2019 Nd.5 Ng.29 liggaueq geijhailh nienz ndwenseiq ngeihhaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3376期

Fwenleuz Bouxcuengh Bingzgoj Yen Byaij Ok Douguek

Ndwen 5 ngoenz 23, Aen Duenz Daiqbiuj Vwnzva Fwenleuz Bouxcuengh Bingzgoj bae daengz Daigoz Nanzbhang Vangzgyah Dayoz caeuq-faenh aen hozdung doxgyau vwnzva minzsuz Cungguek Daigoz.

Aen yizsi haimuq hozdung doxgyau vwnzva minzsuz Cungguek Daigoz youq Daigoz Nanzbhang Vangzgyah Dayoz banh. Bouxyenzgiuyenz Aen Yenzgiuvei Cuengh Dung Cunghyangh Minzcuz Dayoz, Bingzgoj Yen Yinzda nyuenz cujyin Nungz Minjgenh, gaisau gij cingzgvang Bingzgoj, Sawndip, fwenleuz Bingzgoj hawj lauxsae hagseng Daigoz Nanzbhang Vangzgyah Dayoz. Aen Duenz Yienjheiq "Cehfeiz Ranzcuengh" Bingzgoj Yen Daihbet Cuhgiz Cunghyoz yienj

Fwencuengh Cungguek lai diuh, langhbaiej doiq fwen caeuq gij hozdung hawfwen hawj lauxsae hagseng Daigoz Nanzbhang Vangzgyah Dayoz yawj.

Baez neix aen duenz daiqbiuj vwnzva Fwenleuz Bouxcuengh bae Daigoz, dwg hengzguh gij iuheuh "rangh ndeu loh ndeu" Siz Ginbingz cungjsuhgi coh daengx seiqgyaiq gangj ok haenx, dwg aen guhfap youqgaenj vwnzva conzdungj minzcuz byaij ok douguek, byaij coh seiqgyaiq ndeu. Aen guhfap neix ndaej daengz baih Daigoz han' wngq gaenxmaenx, caemhcai q guh le ciengzsaed caepcawq, hawj hozdung ndaej swnhleih guh. Aen doih vwnzva 《Fwenleuz Bouxcuengh Bingzgoj》 dangguh Cungguek guekgya gaep feihvuzciz vwnzva yizcanj mingzlog,

ceksaw bwzguh yenzswnghdai ndaw-bienz Bouxcuengh, gij gingdiemj vwnzva fwen Bouxcuengh bae cunz Daigoz, yaek vih Gvangjsih caeuq Daigoz song dieg vwnzva doxgyau hwngfat gunghawj vwnzva neihanz cengjdingj engqgya maenhsaed. Doengzseiz mizleih doidoengh 《Fwenleuz Bouxcuengh Bingzgoj》 yungh Sawdaigoz fanhoiz okdaej oksaw. Fwenleuz Bouxcuengh cawjdoengh byaij ok douguek, doxgyau vwnzva, cienzboq cingzngieih, youq aen daizheiq vwnzva seiqgyaiq doxgyau, hag' aeu gij ndei vwnzva guek wngq, bang cauhoq vwnzva conzdungj Bouxcuengh, doiq swnjcienz caeuq baujhoh Fwenleuz Bouxcuengh miz yiyi youq-gaenj. (Banz Fuyauz/盘馥瑶)

SIUSIK DINJ

● Daj ndwen 5 ngoenz 25 hainduj, Cingsih Si youq ndaw singz Vanzgiuz Sanghyez Cunghsinh Gvangj-cangz guh aen hozdung baij saw "homsaw Cingsih • beksingq doegsaw", hozdung guh 16 ngoenz. Ciuq cam rox, baez hozdung neix baij ok buek saw ciuhgeq ciuhneix ndaw guek rog guek mizmingz, saw mizmingz ciuhvunz aeu doeg, saw lauxhangz doigawj hagseng majhung aeu doeg daengj saw cingqbanj.

(Cinz Hungzcangz)

● Ndwen 5 ngoenz 23, Gvangjsih gyaendei • yisuz lai yiengh—Aen yizsi hainduj "ngoenz cienzdoh yisuz daengx beksingq 5 • 23" gaiq daihsam bi 2019 youq Laizbinh Si banh. Dangguh aen cawjhoihciengz gaiq hozdung neix, aen si neix yaek youq ndaw ndwen coglaeng hopheux aen cawj-daez "Gvangjsih gyaendei • yisuz lai yiengh" guh baenz-dauq hozdung vwnzva leih beksingq, angqhoh Cunghvaz Yinzminz Gunghozgoz laebbaenz 70 hopbi.

(Moz Yungigenh)

● Mboengqneix, Ginh-siu Yauzcuz Swciyen Vwnzva' gvanj youq aen dingz cingzngieih ndaw singz banh hoihfwen ciet vwnzva lijyouz va' inj Byaswngdangz bi 2019 "swnjcienz vwnzva fwen ciengqgok Ginh-siu huzndei", cangh-fwen bonjdieg caemh daiz eu fwen, danqhaenh dangdieg vwnzva lijyouz yungzhab hwngfat daengj cingzcik moq.

(Vuz Ginhlenz)

● Ndwen 5 ngoenz 23, Dunghlanz Yen Aidung Cin cujciz fuzbinzban, swhfazsoj, veiswngghyen daengj mizgven bouhmonz banh aen hozdung cieq cunz "ngoenz bang-gungz". Hozdung cujyau dwg gangjgej gajguh ranzvaih, gyaayuz banggungz, hawsingz lajmbanj cieq daemq saedceij baujcaang daengj cwngecwz leih beksingq hawj vunzlai, caemhcai gejdap vunzlai camcaz.

(Veiz Aidauz)

Yungzsuij:

Ciengj Gaemh Bya Hag Ndaem Gyaj

Ndwen 5 ngoenz 25, Liujcouh Si Yungzsuij Myauzcuz Swciyen, Yungzanh Yen Siuhungzmau Youwzyenz lienzhab youq Yungzsuij Myauzcuz Swciyen Mungvuh Mbanjmyauz banh aen hozdung "buet ha, lwg naez" bohranz caeuq lwgnyez daejniemh gaemh bya ndaem gyaj, ndaem gyaj, gaemh bya, yienjheiq, angqyangz dangqmaz, angqcoux "roek it" ciet lwgnyez daeujaengz. Ndaw doz dwg bohranz caeuq lwgnyez daejniemh ndaem gyaj.

(Liu Swjyenh/廖子渊)



Cingsih Damqra Gij Vunqsik Moq Hwngfat Canjnieb Hawj Vunzguhnaz Laisou

Geij bi neix daej, Cingsih Si gaenxmaenx damqra gij vunqsik moq hwngfat canjnieb banggungz, roengz-rengz guh gij vunqsik moq "sam ndaem it ciengx" hwngfat cujyau canjnieb, haenqrengz hawj vunzguhnaz laisou.

Ciuq cam rox, aen si neix doiq gij canjnieb ndaem ien, youq 15 aen yanghcin dieg ndaem ien lai haenqrengz doigvangq gij vunqsik doxlwnz ndaem haeuxnaz caeuq ien, yungh ndaej ndei diegnaz, ndaej daengz gij yaugoj ien sou ndaej lai, haeuxnaz sou ndaej lai. Doiq gij canjnieb ndaem gonengznuengx ciengx nonsei, youq 12 aen yanghcin diegbya rin lai doengjit hwnjguh 35 aen suen canjnieb ndaem gonengznuengx

ciengx nonsei, haenqrengz doigvangq gij vunqsik ndaem gonengznuengx ciengx nonsei doxbiek, ietraez diuzlien canjnieb, cungfaen haifat caz nyod gonengznuengx, yungh haex nonsei gyagoeng baenz liuh gueng vaiczij daengj huq. Doiq gij canjnieb mak, cungdenj youq diegbya sang 50 aen suen canjnieb makdoengj makgam ndei, cienzmienh doigvangq gij vunqsik "raemx bwnh doxcaez", daezsang cingzsoq yungh raemx yungh bwnh, gyangqdaemq cienzgoek vunzhong, bwnh lailai, suenq ndei gij cienzgoek dajndaem nungzhoh it gya it gemj haenx. Doiq gij canjnieb ciengx mou, yungh gij vunqsik "gunghsw + dieggoek + cunh-

cizdij + nungzhoh", giethab fuengz mou binghra q Feihcouh, hwnjguh dieg dajciengx swnghdai cinwngz, cizyoz, doigvangq cau hguh dajndaem dajciengx giethab yungh haex nyoh doenghduz bae, doidoengh ciengx mou biucinjvaq, canjniebvaq, gveihfanva hwngfat.

Daengz bineix ndwen 4, daengx si ien ndaem moq 7 fanh mou, suen gonengznuengx ndaem moq 2.89 fanh mou, cungjsoq najdieg daengz 17.5 fanh mou; mak ndaem moq 0.87 fanh mou, cungjsoq najdieg 17.3 fanh mou. Aen si neix daegsaek canjnieb hwngfat cangqheiq, daiq souhaej onjdingh daej hawj ranzungzhoh.

(Hij Cwngyungi)